

乾隆歷城縣志

歷城縣志卷第二十四

金石考二

金

元陽子坐化碑

天眷元年十一月

泰山元陽子張先生坐化記 元陽子者先生之法名也姓張名 字口口先生始生之地乃齊右長清縣蘆鄉人也祖考世業農桑為事先生降誕之初光明口口能起而坐疑必不祥輒卧於草如是復起者三聞者駭然為異眾矣生而聰明長而慈愛好施捨不口財雖不讀書舉申其禮識慮宏遠人莫能測七歲無怙十歲無

恃孤養於祖考叔父之側其祖考雖則忠愛過甚其奈何厥叔惡之屢相刑害先生獨知其情十二歲已有特立之志遂浩然傾家產引身以避之十六歲為商抵關右鳳翔不意羅織充軍存心忠孝不數年間武藝絕倫戰功出衆於是錄名於口選雖出從政終不以官爵利名為口見其先任難雪之事齟而不口其身口極之而逮被刑責者屢矣由是失厥位而復綴名於軍然先生操守端正應物無私不以家產子孫為計處其貧口坦然而畧無戚戚之容至二十九歲方遇口既受吾道當以慷慨化人歸道為先自是先生闡揚正道隨世化人

故四方慕道之人聞其風而來者莫不慕之。山以行
化無間後遇青山子口先生之故人也。口之以正理口
門以法典夫利術矯詐之事口小則苛責甚則仆撻故
受道之士多使三冬以冰水灌刑九夏口口曜日近陽
而卧僕再三思之若口先生之壽享年百十有餘歲神
氣爽然顏形口遂不食五穀自然餐足於是先生已口
有八歲至丙辰十二月二日午時功成行雨於濟南歷
城縣口本菴焚香虔祝天地神口正室口口口口坐
而化門生口口建塔口彩飾形像夙恭事之若生存然
猶恐歲久口為文實紀其事蓋有問聞者姑誦所見誠

有未知而遺畧者四方道友儒流能為我寫之琬琰以
傳於後世冀無隱焉時天眷元年歲次戊午仲冬上弦
日門生朱守黥李口蟻記 山主門生孟八郎妻口氏
口口書口真子李口立石 翠口刊

右碑高四尺五寸寬一尺二寸五分文二十一行
行五十餘字字徑七分正書額字徑一寸五分正
書在城東南子房菴東下墓西南向

白雲菴主慶八十禮塔會碑

皇統癸亥四月

白雲菴大論師義公傳 濟南素號佳山水距府城三
十里因龍洞名者奇秀為衆山甲口峯峭口口口雲霄

字缺五勝之所置口舍曰口聖遊觀口戀不忍捨心快氣

爽若超出塵外予謂此非常境宜口非常人居之乃為

字缺五果然口口大論師名宗義者俗姓楊氏隸人童正

梵行樸古口宋元祐三年字缺六為僧欲叅了義遊東西

二京者歲六周後知濟南口口和尚大口依字缺十華口

疎勁羣聽來咨口口謂者肩字缺十岑寂口口口年壽口

主僧口口口山葺字缺八苦口口口喜其幽邃清曠為口

口口終焉之地字缺十舉佛事為四口口有口已贊口窳

堵波名曰報恩又為字缺四素字缺五為口口授字缺六是日

也天氣清朗人情歡怡無口口口作字缺五吾今身已字缺四

守於古缺十八十報缺四請師二十負缺曰口世諸缺

字秘印口十方賢口皆缺十將來缺九三十年八十無

缺蒼龍遽缺六所缺予稔聞師言又得實口口州龍興

寺華口院缺著之石口口流革聞風缺六德樂道人以

信缺五予遊為缺之濟南府章邱縣鄉貢進士穆缺

皇統癸亥歲四月晦日口口會首賜紫口悟大師缺

右碑高四尺一寸文二十行行三十六字字徑八

分正書額字徑一寸七分正書在龍洞報恩塔側

名泉碑不知年

歷下名泉有曰金線缺曰皇華曰柳絮曰卧牛缺

東曰東高曰漱玉金線南曰無憂曰石灣的突南曰酒泉

曰湛露無憂西曰滿井曰北煮糠的突北曰北珍珠白雲樓前

曰散水曰溪亭北珍珠東曰濯纓北珍珠西曰灰泉淮纓西北曰朱

砂灰泉西府城內灰泉最大自北珍珠以下皆曰劉

氏西北珍珠曰雲樓劉氏南曰登州曰望水萬竹園內曰洗鉢

東登州北曰淺井曰馬跑洗鉢西南曰舜泉舜祠下曰香泉舜泉西

曰鑑泉舜泉南曰杜康南舜廟曰金虎曰黑虎李永巷曰東

蜜脂金虎西南曰西蜜脂東蜜脂西曰孝感孝感坊內曰玉環同知巷前

今憲街街曰羅姑塌竹東曰混沙曰灰池城西南曰南珍珠

鐵佛街曰芙蓉晏家亭前曰滴水又名清泉西務北曰灰灣曰懸清

城西五龍堂東曰雙桃城西北曰溫泉城西北曰汝泉神

寺曰龍門一名龍泉曰染地龍門曰懸泉中宮曰都

泉中宮曰柳泉曰車泉中宮東曰煮糟四里曰爐泉

南山曰白虎曰甘露大佛曰林汲佛峪曰白泉王公

曰金沙曰白龍龍洞曰花泉張馬曰獨孤靈巖曰醴

泉黃堂曰漿泉松水曰南煮糠燭山曰苦苣柳鋪

曰斂斗黎峪門曰鹿泉石凹曰龍居長城合鈞突百

脉總七十二見名泉碑然遠至中宮靈巖諸泉具載

而華不注之華泉明水鎮之淨明泉皆失不取况其

名亦未甚雅稱蓋殘金俗筆齊

按諸泉已散見山水考以金人之文存者無多故
又錄其全文於此

元

秦津先塋碑

甲寅八月

文見古蹟考 宣差東平路行軍萬戶總管府叅議宋
貞撰 東平路泰安州同知高口篆額 前德州司判
董銓書丹 武畧將軍前泰安州倉使秦忠弟秦均秦
泉同立石 奉國上將軍山東西路東平府德州防禦
使秦津立石 錦州賈寶董貴李泉邨存刊

右碑高五尺九寸寬二尺七寸文二十六行行六

十字字徑二寸正書額字徑一尺一寸五分篆書

在城東北四唐王道口東半里許南向

故進公之塔

中統二年三月

右五大字正書在神通寺西北

希公之塔記

中統三年九月

右五大字正書在神通寺西北

張宏頌德碑

至元初

右見元文類詳列傳

重刻宋勅封順應侯牒碑

重刻宋順應侯碑陰記

右二碑文與宋碑同惟高濶異碑高一丈寬三尺
七寸六分厚九寸五分其碑陰記字十九行行十
字字徑二寸正書後有字二行府學生進士李敬
簡模寫并篆額監造官都紀劉江董資郝存何全
崔登張泉許津刊字徑六分正書在壽聖院山門
內西側

龍洞靈惠公廟碑

甲寅年十月

文見古蹟考

濟南路叅議前進士長山張泰亨謹撰

并書

宣授濟南路總管民長官龔爵張開躬立

右碑高七尺三寸寬五尺四寸文三十行行六十

三字字徑一寸題額靈惠公新廟碑字徑三寸五分俱正書在廟山門內東路卧

濟南安氏先塋碑

至元甲子五月

濟南安氏有諱圭字伯玉者明法律起家始補行省刑部令史尋遷樂安鹽司判官濟南府經歷官未幾又補行尚書省令史權行省刑部員外郎仍正授員外郎進至濟南行省左司郎中是時君年甫逾六十矣即謝事家居不起以至元甲子五月初七日終於正寢享年七十有一其子某以是月十三日葬君於某鄉某原先塋之東夫人成氏祔焉先君娶成氏再娶張氏成氏宣武

將軍章邱簿昌之女先於君二十年卒有子四人長曰
伸次曰僖曰倪曰侃女一人適濟南張鐸仲為登寧場
鹽司管勾配成氏有子五人長曰惟湛次曰惟潛曰惟
澄曰惟溥曰惟泌僖監泰安州酒醋稅配段氏有子二
人長曰惟洪中議大夫江西湖東道廉訪副使次曰惟
洋倪為濟南府孔目官早卒無子侃朝列大夫知安東
州配李氏有子三人長曰惟潢從仕郎冠州判官次曰
惟淑監濟州稅曰惟漢早卒曾孫一十人長曰景范惟
湛子也承務郎彰德廣平臨水等處鐵冶副提舉曰景
元惟潢子也進義副尉監杭州富陽縣稅曰景時早卒

曰景喜惟溥子也後衛典吏曰景益惟洋子也曰景璘
惟洪子也曰景肅景周景魯景昭景略皆有學未官按
安氏上世家棣郡後遷濟水南郡中君獨能以史文崛
起致身高顯而其子孫廸蹈世美或仕或學悉有名稱
豈非郎中君生平有淑德懿行垂用世資不赫赫發於
其躬而彌致其來者踵踵也是宜植石鏡辭以昭示無
極銘曰惟鼎鐘以受也惟穀帛以售也德克肖之永有
紹也

右見中州名賢文表馬祖常撰但云葬君某鄉某
原不知其墓所在故附於此

完公閻梨之塔六大字 至元五年一月

右字正書在神通寺西北上

元公法師之塔六大字 至元五年二月

右字正書在神通寺西北上

重修東嶽行宮三門碑 至元十八年五月

文見古蹟考 助車牛功力般 碑石董胡董三董四

董五等 本觀道衆等康福忠 沈福口 李福興

楊威璋 徐威福 師威正 李威通 助功力時雲

周進 舉師張希圭 舉師孫有和 清亭李圭撰

歷山李孟璋書丹并篆額 大元至元十八年辛巳五

月甲午二十二日丙辰 龍水科針筆王澤 錄事司

首領董俊立石 清陽仇玉 趙松鐫

右碑高六尺八寸寬三尺文二十行行四十七字
字徑一寸四分正書額字徑二寸五分篆書在南
開東嶽廟東墀下西向碑陰有題名漫漶、

張之翰跋徐世隆舜井詩刻 並元十八年閏八月

舜泉 宜山徐世隆 重華昔向歷山耕泉水今猶以
舜名山色石如頌玉色泉聲清似鼓琴聲化流天下皆
知孝德洽人心盡好生千載歐公詩石在南風祠下為
重賚 舜泉在歷下古今題詠固多千戈以來惟歐公

詩刻在至元辛巳孔文貞從善來任郡幕訪求遺文詩
今內相宜山先生唐律一篇勒諸翠琰期與歐詩為不
朽若從善者可謂好古君子也至元辛巳閏八月三日
邯鄲張之翰敬書濟南路總管府經歷孔文貞立石
歷城簿董士良監造 歷下李顯刊

右石高一尺六寸五分寬二尺七寸文十八行行
十餘字字徑一寸行書在舜井北壁南向

朱宅狻猊像贊

年月見本文

乙未夏六月獲石璞於口山周圍厚有尺餘高可四五
尺於是脩功刻狻猊像既成因係之以贊贊曰天然之

璞雄威聲確虎旋其毛麟闕其角銅頤鐵額斗尾鋸牙
永監門首辟彼妖邪 元貞元年秋七月朔朱宅立殷
瑞刊

右字十一行行九字字徑七分正書在布政使署
土地祠大門外東側狻猊趺南向

進義副尉張儀神道碑銘

元貞二年正月

文見古蹟考 奉政大夫國子司業劉敏中撰 湖州
路儒學正河內曹寶書丹并篆額 男守約輩立石

右碑高六尺六寸五分寬三尺一寸文二十四行
行四十六字字徑三寸額字徑一尺五分篆書在

城東北張家莊東南向

趙孟頫詩刻

抱膝獨對華不注孤襟四面天風來泉聲振響暗林壑
山色滴翠落莓苔散髮不冠弄柔翰舉杯白月臨空階
有時扶筇步深谷長嘯袖染烟霞回竹林深處小亭
開白鶴徐行啄紫苔羽扇不搖紗帽側晚涼青鳥忽飛
來同知濟南路總管府事趙孟頫題

歷下孫氏有別墅在濟南郡城西北十里而近其地
四面皆稻塍與鵲華兩山相望園中有泉相傳趙松
雪洗硯泉也一日園丁治蔬畦得石刻於土中洗剔

視之乃松雪篆書二詩松雪篆不多見此石刊缺處
惜為石工以意修補浸失古意今其地名硯溪在灤
口之北

香和
筆記

右石刻今在臧家屯石高二尺三寸寬二尺六寸
篆字十一行行十一字字徑一寸五分名後有圖
印香祖筆記襟作吟今據石本

大明湖三大字

右碑高六尺寬三尺八寸字徑一尺一寸五分正
書正議大夫山東東西道肅政廉訪使王口口中
奉大夫山東東路都轉運口使壽僧立在鵲華橋

西南向按水經注大明湖初不在此地自是碑立而世人更無從考之矣辨詳見山水

鎮撫張仁神道碑銘

大德四年十二月二十三日

文見古蹟考 行中書省掌書記濟南李吉撰 鄉貢進士濟南張巨淵書丹并篆額 男張信張進立石侄男張寧祖張顯祖同立石

右碑高六尺五寸寬二尺七寸又二十五行行五十三字字徑七寸八分篆書在城東北張家莊東南向

通理妙明禪師淳愚長老雲公碑銘

大德十年孟夏

前曹州儒學教授智京撰

金輿海月圓明長老智澄

巨源書丹

歷山進士姚仁篆額

人惟學知生知之

殊而行業亦必有精粗優劣之異夫鑽研苦卓人十已
百以歲月為功者學知之常也乃或性識超絕日誦萬
言目覩心會如素所習者生知之非常也妙明禪師蓋
亦叢林中之生知非常者歟觀進士姚仁所錄實蹟其
行業魁偉概可見矣師諱德雲王其姓系出鄧州金源
季河南兵亂避地濟南遂即神通寺清公祝髮焉師幼
不葷酒長慕空寂竟以雲水自適未幾造大都叅見海
雲大宗師於慶壽寺受具足戒因敝衲敗舄日惟一餐

遠游講席洞究經論筌蹄相忘探幽蹟於訓釋傳授之外又且訪止菴於靈巖謁玉公於湯陰始末圓成大蒙印可至有以吾宗哲匠之語推之者至元二年春本路僧尼提領所暨法屬耆艾敬令疏請開堂住持神通祖刹師覽疏頓喜若酒醒夢覺然遽還故君臣服勞報本自擔輦土伐木躬為勸督歷十寒暑僅成次第計殿宇廊廡厨庫僧舍餘六十間無一不備者吁勤亦至矣哉十三年丙子春二月赴順德開元資戒大會於帝師前復受其戒是年八月奉旨令天下僧尼悉於大都啟圓戒大會師復與焉慨然捨已衣鉢飯僧尼一萬餘員九

月一日暨諸路高僧於大殿內祝延聖壽旬日滿散賜
普度戒牒且有旨為護持者師還本寺尚為竭營葺於
時罄常住帑藏於府治東冷水溝置水田四十餘畝於
中宮西南置陸田二百餘畝於西關置甲第一區凡所
獲盡隸常住而寺之周歲所費至是足矣於三里庄別
置麥地八畝俾屬壽聖院十方空門行脚之給十八年
辛巳欽授聖旨俾師安心行道於後叅授完王大王令
旨帝師法旨咸示安護褒諭之意三十年癸巳本路教
禪師德薦師令充僧錄師以名浮於實固辭不允以是
德望益尊門徒益盛元貞丙申宣授諸路釋教都總統

所授通理妙明禪師之號大德己亥敬授也只里大王
令吉明年庚子復欽授聖旨崇獎彌厚師日夕焚修轉
加其誠以報上恩欲再構兩簷正殿以侈焚修之所規
模已成以耄疾不克遂七年癸卯秋八月上潞三日師
乃危坐一室不語不食徒衆皇皇勸進湯劑師謂之曰
四大五陰幻吾色身報盡當滅理何疑哉諸仁者但令
法輪常轉慧燈永續前功口口吾瞑目無恨矣竟不復
食越十日復召徒衆謂之曰吾今逝矣衆告留頌答曰
平生無說臨終安用頌乎言訖而逝法壽八十有二僧
口六十闍維之際諸門徒瘞舍利於祖塋已嘗建塔而

旌之頃欲為師樹碑紀德求文者智敏實來予雖不及
一識師然嘉其徒之請之篤勉撫其實而筆之仍系之
以銘其辭曰絕去羶腥超出凡蒸歷千百劫乃有是僧
是僧非常玉潔冰澄將學八區汲汲擔簦法以意悟道
以力宏俯睨紛擾蔑焉蚊蚋歸來祖剎舊緒再承完缺
補弊昔發今興万因顯企丹碧其凝善而不伐功而不
矜門徒日增合爪伏膺師席肅敬高舉峻嶒或浼以賦
竟嘿莫磨臨終告頌麾之以肱晦而弗表沒世無稱嗚
呼雲公斯銘有徵 門人智文賢賓藏敏什可多悅隱
優音貴仲廊莊憑等立石 方茂實茂興李茂孔溫刊

右碑高五尺七寸寬三尺丈二十八行行五十三
字字徑九分正書額高一尺六寸寬一尺字徑二
寸五分篆書碑陰皆僧衆題名在神通寺大般若
東向

普巖大師寶公塔銘并序

年月見本文

大德十一年歲舍丁未重陽前五日智寬智沼造報恩
東軒謂予曰親教邁矣何以口牽堵波誌其實蹟惟公
工屬文丐予片言以發其潛幽者余辭之至再彼請之
益堅度其不可以固讓□□□□次之蓋渠師姓楊
氏楊邱人也年及弱冠慕竺乾教屢請於父母即從清

公山主雉髮於神通寺性簡樸絕葷酒大愜師意厥後
簪笈游學南及嵩少西禮瑩山所覽之書曉通大義迄
至元二載廻錫故庵為衆舉充監寺歷十寒暑輔翼精
勤至十三年奉旨於大都口口大會令天下僧尼畢

集

缺普廣武牒且有旨口嚴法

缺

創興佛殿口直如曲

缺八年法衆堅請住持神通師口然至再稔咒雷音震

會口香積真然一新明年承宣授詣路釋都總統所授
以普嚴大師之號讚諭尤甚師嘗傲為敗衲囊無餘資
澹如也然而反已及人潛德密行不可概舉蓋所謂不
拘於小節者也傳云靡不有初鮮克有終如師之克全

於始終者予皆口所見聞也師諱德寶今主祖口規口
有度四遠雲水口口依棲之金與海月圓明長缺智澄
巨源焚香九禮而作銘曰偉哉普巖師性質尤端麗樂
慕天竺宗悠然出塵世具足受毗尼堅守無纖費擔簪
歷諸方已有凌雲氣圍頓上乘漢大口為口契歸來荷
叢林竭力扶顛墜雲口口日並增高顯屹然樹是宜勒此
銘以為不朽計 孟冬初吉門人前章邱縣都綱智寬
智沼智湧智容智珪智訓立石 助緣本寺敬公提點
監寺智策副寺智賓八清亭石匠作頭方茂實刊

右石高四尺五面面各寬七寸銘共二十五行行

二十三字字徑八分正書額字雜銘中二行八字
徑二寸五分篆書在神通寺北

加封大成至聖文宣王碑

至大四年八月

上天眷命皇帝聖旨蓋聞先孔子而聖者非孔子無以
明後孔子而聖者非孔子無以法所謂祖述堯舜憲章
文武儀範百王師表萬世者也朕續承丕緒敬仰休風
循治古之良規舉追封之盛典加號大成至聖文宣王
遣使闕里祀以太牢於戲父子之親君臣之義永惟聖
教之尊天地之大日月之明奚罄名言之妙尚資神化
祚我皇元主者施行 大德十一年七月十九日

右上層字二十二行行七字字徑八分額字徑三寸俱正書

國家以神武拯斯民以人文宏治道凡戶以儒籍者世復其家民之後學者復其身中統至元以來口口碩口並進迭出由是罷世侯更制度混一區夏臣服繼成典章禮文之懿罔不備具元貞大德重熙累洽自京師達於郡邑廟學一新弦誦之聲盈於鄉井皇風煒燁郁郁乎與治古比隆矣大德十有口年七月制加孔子號大成至聖文宣王播告天下至太改元之三年省臺檄令在所勒石紀其事於學今年春三月聖天子即位詔內

外學校廢弛者監察御史肅政廉訪司糾劾凡以崇人文謹成憲也濟南界齊魯間於今為劇郡為府為東西一都會故肅政廉訪司治於此資善大夫遙授中書左丞廉訪使阿都兀赤朝列大夫副使韓中奉議大夫僉事創兀兒奉議大夫僉事董璧徵事郎知事馮德相與言曰在今吾翁以興學為職是邦孔子聖號猶未紀不亟圖如學何總府由監郡而下蓋嘗有成議未暇也至口口警懼奔走從事右具府知事耶律行簡學正李克允抵繡江致廉司總府命以鄙述見屬敏中郡人不得以蔑陋辭謹按唐元宗開元二十七年追諡孔子文宣

王宋正宗大中祥符元年加元聖五年改至聖我朝大
行皇帝加大成竊惟孟子集大成之言謂孔子聖德之
大成能兼夫伯夷伊尹柳下惠三子之聖也今即大成
而言之抑又有大者焉夫小大之相形固也然小有盡
而大無窮大而至於無窮大之大者也天穹窿於上地
磅礴於下大矣然猶有觀也若夫截然而四時行蠢然
而萬物生無朕兆無聲臭無端倪其所以變化斡旋網
維主張者可得而窮乎哉斯不亦大之大也與天地生
萬物聖人成萬物開闢而下聖人繼作二帝三王之世
其道大矣然猶有待也蓋堯待舜舜待禹禹待湯湯待

文武周公文武周公待孔子周衰大道熄禮義無所措
萬物不得其成而孔子生孔子乃獨刪詩定書繫易作
春秋當是時也聖德之蘊發而為事業所謂彌高彌堅
瞻前忽後奔逸絕塵者至矣孰能知其所以然而然哉
逮夫刪定繫作而後人始曉然皆知如是而為天如是
而為地如是而為君臣為父子為夫婦兄弟朋友如是
而為善惡為吉凶為可為不可為亂為治為亡為存於
是堯舜禹湯文武周公之道炳然矣意者天地之口口
堯舜禹湯文武周公肇人紀於前以孔子握大中判得
失於後而三才之極萬世之準於是乎一定而無所待

蓋孔子之道也其曰成焉者可得而窮乎哉斯不亦大
之大也與以是觀之我朝之所以崇奉吾聖人者其可
謂至也已矣嘻凡任持憲長人之責皆能惓惓焉昭聖
典宣聖化口至如是則見民從吏畏善俗日興使元鬯
青衿之子黃髮台背之叟長育文明之澤而涵泳昇平
之盛誠千載一時也傳稱邦其永孚於休者不在茲乎
嗚呼盛哉中奉大夫前河南河北等處行中書省叅知
政事劉敏中述口并書題額 至大四年歲次辛亥秋
八月日資善大夫山東東西道肅政廉訪使師著等立
石

右下層字二十七行行四十五字字徑八分正書
在府學東廡前西向

碑陰題名

中大夫前山東東路都轉運鹽使多不口亥 朝請大
夫前山東東路都轉運鹽使王景福 嘉議大夫山東
東路都轉運鹽使赤速 中大夫山東東路都轉運鹽
使劉亨 中順大夫同知山東東路都轉運鹽使司事
沙不下 朝列大夫山東東路都轉運鹽使司副使宋
士英 奉議大夫山東東路都轉運鹽使司判官完顏
從善 承直郎山東東路轉運鹽使司經歷任懷德

承事郎山東東路都轉運鹽使司知事毛執中 山東
東路都轉運鹽使司提控案牘兼照磨承發架閣商企
卒 懷遠大將軍濟南路總管府達魯花赤兼管本路
諸軍與魯總管府達魯花赤管內勸農事卜蘭禧 奉
訓大夫濟南路總管府副達魯花赤慶禿 朝列大夫
濟南路總管府治中王從禮 承直郎濟南路總管府
判官霍繼基 承務郎濟南路總管府推官口口恭
承務郎濟南路總管口推官王可臣 承事郎濟南路
總管府經歷粘合達德 將事佐郎濟南路總管府知
事耶律行簡 濟南路提控案牘兼照磨承發架閣劉

賢 府吏陳楫李晏山東東西道肅政廉訪司書吏胡
士元苗日滋張志道資秀衛良佐朱明善王希賢成貞
張鎮李守仁寶世安 通事脫脫木兒 譯吏李也速
汝兒 奏差韓珪孟省李茂彭士衡韓猷 典吏王從
善劉元宇 濟南路錄事司達魯花赤兼本司諸軍奧
魯伯顏察兒 從事郎濟南路錄事兼管本司諸軍奧魯
張蔚 濟南路錄事判官楊口祖 典吏吳思誠 承事
郎濟南路歷城縣尹兼管本縣諸軍奧魯勸農事張哈
八赤 將仕郎濟南路歷城縣主簿趙之昉 濟南路
歷城縣尉任愛祖 典史趙睦 司吏史天祿傅敬祖

歷下賈瑞尹澄仇忠義王寶同刊

右碑陰亦分二層府吏陳楫李晏以前在上層其餘下層也

奉旨神通寺住持明照大師講經主暉公壽塔

右十八字正書皇慶二年八月立在神通寺北上

僧普光龍洞造象記

年月見本文

大元延祐五年寺僧普光圓明大師口大元世主曰禪
皇帝聖旨欽崇三寶至元十三年設大金輪聖會口集
大口僧口勅受恩賜大藏壇牒每歲槩國者念大藏經
餘僧百億萬又奉天年尼皇帝聖旨今上皇帝聖旨御

印聖無量壽經四十口經七佛名經普賢行願品等經
遣使遍歷勅給僧尼披誦思諸佛慈廕碎身難報世主
宏恩粉骨非酬順吉祥發菩提心捨有限資命工造釋
迦佛龕像集無窮福上報諸佛廕祐之德天龍雨露洪
恩祝延皇帝萬歲國泰民安金口永固百官遐齡佛日
增輝法輪口轉四生登樂所六趣越口漢多父母口累
口寺住持僧講曰洪貴歷下匠者尹禮韓廷藻造

右記高一尺五寸五分寬七寸文十行行四十字
字徑五分正書勒龍洞後門口側北向

故敏公監寺壽塔記

延祐六年仲冬

勅賜神通寺住持金興長老智澄撰并書升塔以旌
名顯德由來尚矣叙其所以吾宗其明昔我口口口無
上天人師圓寂之後寶塔是興或以澡餅錫杖口口則
益伽梨頂骨齒牙爪髮舍利降生成道轉鴻輪降魔外
口神變般涅槃盤如是處所皆樹立之厥後釋子倣於上
而倣於下各居一方恭布星列遍滿真丹咸以師事茲
乃敏公監寺壽塔也姓張氏濟南西郭人勿拋塵累樂
慕釋門禮神通寺住持淳愚長老雲公為師法號智敏
課習經訓已而為簪笏游履請肆歸來事師荷衆罔少
懈倦大德四年欽受聖旨護持山門為監寺之目歷數

稔主宰華嚴院暨任陞城縣都綱之職恬然安靜既獲
善代釋教督總統所授以廣德大師之號又復住持采
石山大聖院周急飯衆今年過耳順安居祖庭由是悲
川率諸昆季立壽塔於祖塋以記為請予嘉崇師報本
之義來告畧述見聞事迹姑塞來命云爾 將仕佐郎
益都路滕州鄒縣尉孫男張玘 門人慧川慧品慧苑
慧峙慧讚龔口口等立 清亭方茂實刊

右塔記高二尺七寸五分四面各寬一尺五寸七
分自南面有篆額者起東面為壽塔記其記末題
名復轉在南面稜上記十五行行二十三字字徑

七分八分書額六字徑三寸許篆書在神通寺西北

扶宗興教大師湛公講主之塔

右十二字徑二寸五分篆書至治改元立在神通寺西北

大神通寺祖師興公菩薩定慧之塔

右塔高三尺五寸八面面寬一尺至治二年冬僧智澄書篆其一面題額十四字字徑三寸八分篆書七面刻佛頂尊勝陀羅尼神咒後書僧衆題名共四十六行行二十餘字字徑一寸正書在神通

寺西北

通理妙明禪師淳愚雲公之塔

右十二字字徑三寸五分篆書在神通寺西北

勅賜神通寺祖師興公菩薩道德碑

至治二年

承事郎河間路臨邑縣尹兼管本縣諸軍口魯勸農事

邢天祐撰 將仕郎口口平陽路稅務大使杜良書丹

篆額 稽諸古典宏名具載神通道場肇口朗公菩薩

魏皇始二口口泰山北金輿谷中薙茅而居林木幽邃

虎豹交馳人以為患自師居之皆遠遯跡晨行夜往道

路無滯其處乏水禪定之次口地下有水聲俾穿掘果

獲甘泉迄今以謂神口井焉盛德既彰聲華洽聞學者
宗之六朝致敬金帛奇物施心雲興以奉高在山二縣
租稅為封給之厥後尸其位者匪一久之海公應世聖
凡同居燭幽壤於重垠示至理於昭回寺東靈塔巍然
尚在里人仰慕倚之為福者比比而然至於宋慶歷間
隆公金口和兩公禪師俱道行清實表正人天折衝師
範語錄行於世再一傳德興公菩薩為今代之首祖師
諱道興俗姓馬氏世系臨邑縣人也母李氏嘗夜夢白
光照其室因而有娠既誕多有奇相五歲能語前生事
鄰里皆異之比冠口口禮縣之大覺禪院演公律主為

師見其法器甚偉不以凡兒待試授口圓覺經過目即
誦輒駭嘆曰是可教也年甫二十得七證受具自是道
日益通口日益契一旦亟召師來前曰吾子當作叢林
龍象去在蹄涔之水豈足久稽汝耶汝行矣由是游學
誓禮清涼一達聖境倏覩光相心地開豁口口以往道
韻深如貞祐天兵南下百姓逃難師灰心泯智隱於南
山穴土為廬橡藜而食掬溪而飲復遇有黑白二旗為
號者掠人為食口口見乃以曲垂方便力加勸諭已
而二衆皆受其化罷掠不食賴以全活者無數自此菩
薩之稱達乎四遠我聖朝啟祚大宏釋教師以行滿人

則法被遐邇所至香火盈途懽懽口口本路清河公疏
請住持湊經兵燹荒基墜礎口沒於榛莽之中既受其
命山中之人無賢不肖皆喜曰興公菩薩來此神通不
寂寞矣為之闢草萊口口藥服勤久如不自疲厭即得
殿堂僧寮咸有次第雲山改色螺唄洪暢鯨鐘擊鳴祝
誦之勤香羞之潔捨已長物飯僧三萬餘員所度門人
以善字訓上百有餘衆素衣及干惜乎年臘且高道力
微憐一日沐浴易衣召其徒曰時至矣汝等各宜勉勵
勿輕擲此生索筆書偈曰八十餘年任運隨緣臨期一
句明月青天擲筆而逝實癸卯年九月十六日也享壽

八十有四夏臘六十有二荼毗以禮奉舍利於祖塋瘞
之迄至治二年壬戌法孫德敬與衆叶謀建窆堵波葬
於隆公祖塔之右持師行狀詣門請文將以播揚師美
以詔來者予知不可固辭乃謂之曰釋教之中有三妙
趣亦名決定之義曰戒曰定曰慧學佛者當以奉戒為
先戒禁精嚴故能禪定定由止水澄澗湛然增長智慧
慧光洞照虛徹靈通直入聖域此為修證之大義也師
自入道終至圓寂雖屢遭危厄未嘗少破戒律口安讚
傳云靡不有初鮮克有終如師可謂克念於始終者不
其偉與目其塔曰定慧當然凡法子雲孫宗枝名諱附

諸碑陰茲不復書乃作辭以系之其辭曰桂轂昇空或
缺或圓至人應世何後何先枝聯蔓衍隱而彌顯該羅
衆妙珠回玉轉守固口基穰淨毗尼高山仰止景慕良
規彼上人者超然物外事理和融口相留口遇境即宗
語默皆通不雷不霆有聲隆隆維持荷衆縣歷歲久叢
席日新誰出其右能事云平惟擇以時世塵幻夢我欲
覺之枕肱右脅薪盡火滅人天無依棟梁摧折舍利流
珠皓玉何如粲然堅固非世有諸定慧旌表菩薩之號
一代清標千古遺教 至治二年歲次壬戌仲冬吉旦
住持法孫德敬立石中奉大夫山東東西道肅政廉訪

使濶里不花護持功德口口者方茂實李思誠王彬

右碑高七尺寬三尺額高一尺七寸寬七寸七分
文二十五行行五十八字字徑七分正書額字徑
二寸篆書有碑陰在寺大殿西墀下東向

勝果院僧明通勒績記

至治三年九月

文見古蹟考 黃花後人熊岳王炘撰書丹并額

右碑正書在城東北五十里董家庄東院中南向

龜趺螭首尚完整

元故存公庫主之塔

泰定二年季秋

右八字徑一寸六分正書在神通寺西北

元故元明大師寬公壽塔 泰定二年十月

右十字徑二寸五分篆書在神通寺西北路卧

故清惠明德大師敬公壽塔銘 泰定三年

清惠明德大師敬公山主壽塔

右二行十二字字徑三寸許篆書

清惠明德大師敬公山主壽塔銘 前住持神通寺金

興長老智澄撰并書篆 鼻祖西來伴畦服雉受約守

緇林智究止作大以十科為目譯教禪觀義解明律護

法感通遺身秘學讀誦興復其有能達一善於躬者即

軌範當代延名遐古况能兼之是以君子悲沒世而名

不稱焉學如不逮猶恐失之也矣師諱德敬俗姓趙氏
總角祝髮禮神通寺淨公山主為師勤策匪怠以踐萌
折青之制授之謹嚴大愜師意既長磬筭徧叅之學惟
日孜孜鑽仰元奧得其大義法席主僧幾欲傳嗣愧名
浮於實固辭而已識者嘉焉拂袖歸來肯主壽聖禪院
為之補弊修墜給講延衆已而堂頭聖泉院祖師歸寂
尸者非一事經齟齬寢至頽圯方整有功能為人之難
為者也厥後於祖刹傾心紹介朝暮恭師左規右摹如
是經營幾二十稔延祐庚申衆請維持不以盛衰變其
節以勇敢直前之志即得大毀旁廡僧室俱一新之惠

及雲侶衆盈千指叢席之望盛矣夫一旦徒生智昌輩
過予丈室謂予言先師齒踰六紀日夜以思恐遺跡曖
昧無聞弗資矣謀樹高顯於祖塋請片言饒諸琬琰希
無讓為幸予度其不可辭乃擷其實而叙其略銘以系
之銘曰緊靈明之洞徹萃元氣之氤氲鍾應跡而示生
於人物乘願力而順趣以降神懋哉懷抱精英之性質
卓然迥出乎羣倫首詢義學以發明心要次守福科以
持立竒勛門徒坐集思報殊恩誠展叙以告貞銘募匠
者以刊堅珉識清規與絕範庶來允崇稟於斯文者邪
泰定三年歲在柔兆攝提格日南至 門人侯智政

門人智昌等立

右十九行行三十二字字徑一寸正書在神通寺西北

佛頂尊勝陀羅尼神咒

右二十一行行四十字字徑一寸正書

右塔銘高四尺二寸四面而皆寬二尺五寸自南面篆字起西面塔銘東面陀羅尼神咒北面皆僧衆題名在神通寺西北

黃潛張文忠公祠碑

見建置考

右碑存亡不知文采自稽志

故湧庫主之塔

元統二年十月望

右六大字正書在神通寺西北

故憑監寺之塔

元統二年十月望

右六大字正書在神通寺西北

金壇縣尹段君墳道志銘

後至元六年正月

右碑在城東武家村南墓前踏卧縻碎磨滅莫辨
僅碑額元故金壇縣尹段君墳道志銘十二字字
徑二寸五分篆書及碑文首行元故承務郎金壇
末行至元六年歲次庚辰正月十七字字徑寸許

行書畧君名字不可考而墓近於徽蓋徽之族也

王氏先塋碑銘

後至元六年三月

行缺八敢請囑缺七十里明賢鄉龍山般水鎮缺世缺隣

之缺絕園舍以給之人賴以活完姻嫁娶缺或貧不能

獎力為缺卒祖妣夏氏劉氏考諱誠缺儒嚮缺出於缺

正聞缺言心悅而躬行之缺其家恩勉獎與誠意懇至

今又稱其缺德之聿脩也卒以延祐乙卯二月缺日缺

管次聚未仕三女張恭杜誠周元在婿也石氏一子克

恭一女適于鎬仲賢娶趙氏次李缺一適張止餘未笄

文郁卒年四十有六娶周氏苗氏子男三顯道安道暨

女周出宗道苗出缺嘗觀世之顯達昌大之家必其上

世積善蘊德有以致之理所固有非諛詞也蓋卽夫力

穡以觀缺而望穡事之有成難矣哉仲賢之先世急義

樂施力於為善子繼孫承其於義方之教尤致缺使其

子孫缺心明缺躬受渥命秩視列侯以引以翼方來而

有增也况仲賢謹身篤行勤恪供職謙抑自將尚德超

善取缺端其勉於顯親揚名者缺王氏來齊繇阜城遷

龍山受壘允續蔓延嗣賢蹈義排難保庶發困活饑德

惠及物再世繼承缺日孜孜不怠益缺龍光燕翼及子

夙夜自惟輝赫於時拜命逢辰先德啟之相在先世蘊

積悠久其躬弗有思我後人受後人兢兢缺至元六

年歲次庚辰春三月甲寅朔越十有一日男承直郎管

領隨路諸邑等戶達魯花赤總管缺管俗不花缺

右碑掘土得之前小半及下截已糜碎殘缺不辨

姓氏而後大半字句可讀有云王氏來齊因知其

姓王也碑旁翁仲猶存在城東七十里龍山鎮西

北二里

濟南路廟學新垣記至正二年十一月

文見建置考

榮祿大夫御史中丞張起巖撰 奉直大夫山東東西

道肅政廉訪副使文書訥書丹 中議大夫山東東西
道肅政廉訪副使史經篆額

石匠仇誠李忠鐫

右碑陽字二十行行四十四字行書字徑寸許額
字徑四寸篆書

憲司口

典史王庸 王世貞

奏差丁永周 謝口 口口口 李口德

劉文或

書吏張思敬 張思口 口崑 郝口

霍口

段秉昭

呂口

何口禮

楊希古

馬道遠

周口

口友諒

詳史口口思

通事完者帖木兒

口口郎山東東口口肅政廉訪司照磨李觀

雷祖方

口事郎山東東西道肅政廉訪司知事劉口卿

儒林郎山東東西道肅政廉訪司經歷王口

奉訓大夫僉山東東西道肅政廉訪司事脫口口

奉政大夫僉山東東西道肅政廉訪司事李岳

朝散大夫僉山東東西道肅政廉訪司事脫脫

奉直大夫山東東西道肅政廉訪副使文書訥

右碑陰上層字十五行正書字徑五分

監鐫代書碑陰本路書工宋瑞

協力相成者

歷城縣柴遵道 季大有 李桂芳 程義卿

牟順元 季處宜 劉口亮 楊順卿

錄事司李口口 曲好義 吳口達 李起宗

劉口口 侯元道 董君祿 石口道

口口儒學

學司吏林德裕 學直劉復 學錄李輔臣

學正口思固 教授口口口

亞聖究國復聖公五十二代孫顏之口

督工府吏曹裕

將仕郎濟南路總管府知事張彥

承事郎濟南路總管府經歷王希顏

奉訓大夫濟南路總管府判官德童

奉訓大夫同知濟南路總管府事朶兒

武德將軍濟南路總管府副達魯花赤喜壽

朝列大夫濟南路總管府達魯花赤兼管本路諸軍口

奧魯總管府達魯花赤管內勸農事不魯罕

右碑陰下層字二十二行正書字徑五分碑高六尺六寸寬二尺九寸在府學泮橋西東向

通理妙明禪師淳愚長老雲公碑陰題名

管領隨路諸色等戶達魯花赤總管府治中陳文

承直郎管領隨路諸色等戶達魯花赤總管府總管高
不顏帖木兒

奉訓大夫管領隨路諸色等戶總管府達魯花赤薛徹
禿

護持功德

歷城縣典史邵溫

濟南路歷城縣中宮鎮巡檢宋瑞

將仕郎歷城縣主簿胡仲昇

承務郎濟南路歷城縣尹兼管諸軍與魯勸農事靳郁
進義副尉濟南路歷城縣達魯花赤兼管諸軍與魯勸
農事龔吉蘭

護持功德主

口口大將軍濟南路總管府達魯花赤兼管本路諸軍
與魯管內勸農事蘭禧

右止層其下層皆信衆題名

山東鄉試題名碑

至正十年十月

山東鄉試題名碑記 儒林郎山東東西道肅政廉訪
司經歷許或書并題額 從仕郎翰林國史院典籍毛
元慶撰 聖朝立德行明經科以取天下士於今十有
一舉矣繇濟南貢而選於春官第於大廷巍為倫魁蔚
為名卿才大夫者相望也鄉校乃未有題名鄉校之有
題名自至正十年秋始初憲使中奉公八都等議曰濟
南居山東上游三歲大比宣慰司所部三路十有三州
四十有六縣之士來試於茲若嶧州及滕之鄒縣滕縣
近雖割置淮東徐郡而士緣故籍貢試如初歲之來者
不下四五百人茲事至重傾宣閭治益都不獲朝夕從

事郡府雖獨任國家以求賢為務風憲以薦賢為職不可以不敏乃具書幣請官考試必名實孚者其一切監臨之政敬屬明善公焉公由胄監宿學居天下進士第一歷官臺諫出貳憲府德崇令肅其蒞茲役也身先其勞百執事受約束唯謹革陋扶偏禮士有法故事即郡治為試院考試官同居黃堂之寢而司憲居堂西宣司居堂東簾內合外弗專弗嚴公曰噫非體廼避正堂而舍理官廳宣慰同知別速堅舍經歷司而堂寢始通為簾內試官之居其革陋者此故事三試官雜然閱卷議或雷口弗究厥心公請依會試比設掌卷職三試官各

即所次卷至悉已見其優劣非委掌卷絨送覆評已迺
覘封從初覆互評不諒而同者其扶偏者此往歲監臨
者恒惠舉人亦弗便也公部署卒徒導士子即席舍帖
帖如在行伍無敢失次豐其飲食使士氣盈思完得肆
其力以教藝其禮士有法者此粵九月二日揭榜得士
蒙古四人色目五人漢人七人以充賦而備選者口有
五人從定額也洪惟國家承平百年文教浹洽人才輩
出日新月盛方山東數路之地羣數百人試之而獲選
口此額亦微隘矣有能請於朝以增之不亦宜乎若夫
接武前修以大厥聲士之獲選者宜自口矣至正十年

十月立 將仕佐郎山東東西道肅政廉訪司承發架閣兼照磨童童 儒林郎山東東西道肅政廉訪司經歷許或 奉議大夫僉山東東西道肅政廉訪司事林茂 口訓大夫僉山東東西道肅政廉訪司事拜住 承德郎僉山東東西道肅政廉訪司事環州閻 奉議大夫山東東西道肅政廉訪副使八篤邁寶理 中奉大夫山東東西道肅政廉訪使八都口口官

右第一層字三十行行三十三字字徑六分正書
額字徑三寸八分八分書

通議大夫禮部尚書梁宜彥中乙卯進士荏平人

奉訓大夫國子助教黃昭觀瀾庚午進士臨川人

從仕郎翰林國史院典籍毛元慶文在壬午進士廬陵人

監試官

奉訓大夫僉山東東西道肅政廉訪司事拜住明善壬

午狀元

書吏趙鑄元治正定人 楊權可立晉寧人

知貢舉官

正議大夫山東東西道宣慰使司同知副都元帥別速

監

令史莊全

奏差苗紹宗

收掌試卷官

承事郎般陽路口縣尹杜翔戊子進士

受卷官

濟南路儒學教授賈暲大名人

彌縫官

從仕郎高密縣尹秦裕國子生

謄錄官

徵仕郎棣州無棣縣尹李邈中

對讀官

從仕郎德平縣尹蘇霖

從仕郎霑化縣尹王士彥

從仕郎江西推茶提舉賀天民

承事郎濟南路濟陽縣尹王口正

閔子書院山長曹賚東平解元

憲司通事旭出帖木兒

譯史完者都

書吏王誠

衛進

單德輝

白守道

侯曠

李景宣

崔有恒

王惟賢

曹世榮

孫文堅

王雲

楊惟忠

鄧思益

王睿

陸煥然

奏差王守仁

移口口

口口口

典吏口口口

右第二層字徑六分正書

通榜進士

蒙古色目九名

第一名保安奴山口人

第二名阿禮濟南人

第三名藥師奴博興人

第四名栢杭濟南人

係阿禮弟

第五名煥著濱州人

第六名合轍的斤色目人

第七名埜僊濟南人

第八名燭理達般陽人

第九名普顏入口耳滕州人

漢人七名

第一名李國鳳濟南人

第二名鞠思誠寧海州人

第三名姜允祖般陽人

第四名孟榮沂州人

第五名張泰萊州人

第六名陳克敬萊州人

第七名劉遵魯登州人

右第三層字徑六分正書

提調試院官

中憲大夫濟南路同知總管府事蕭完口

承直郎濟南路總管府推官楊弼

承事郎濟南路總管府經歷鄭允德

府吏王裕仁 高聖可 傅浩 陳守政

監門巡綽官

武畧將軍濟南路總管府判官捏古伯

武德將軍守鎮千戶都刺帖木兒

搜檢懷挾官

進義副尉濟南路歷城縣達魯花赤天保

進義副尉濟南路歷城縣錄事司判官趙思明

供給官

朝列大夫濟南路總管府達魯花赤火你赤

武德將軍濟南路總管府副達魯花赤阿東

武德將軍濟南路總管府治中塔失口

承直郎濟南路總管府推官王景安

登仕郎濟南路知事郭從善

濟南路架閣所照磨邢思齊

司吏張恭默 貼書 趙瑞 王約禮

劉克口 王德源 王守忠 張從義

孫榮祖

供給屬官

文林郎濟南路歷城縣尹閻仲榮

進義副尉濟南路歷城縣主簿張達

濟南路錄事司達魯花赤買住

從仕郎濟南路錄事郤公讓

督工府吏傅浩伯深 貼書劉良佐

右第四層字徑六分正書并額高六尺三寸寬二尺八寸在府學明倫堂東西向

重建五龍堂碑

至正十三年五月

文見建置考 孔顏孟三氏教授趙本撰 承務郎同

知濟南路總管府事口世賢書 翰林直學士太中大

夫段炳題額 督工口吏劉口等 鐫石吉安羅惠口

右碑并額高五尺八寸寬二尺五寸字徑九分行書額字徑五寸六分篆書在五龍堂前廳東壁東向

濟南忠襄王張榮墓碑

右碑在城東三十五里和山前張林邱村北其塋
有數家豐碑縻碎翁仲損壞僅存斷碑篆額四列
額曰大元勅賜故山東行省兼兵馬都元帥加贈
推忠宣力正義佐命功臣太師開府儀同三司上
柱國濟南忠襄王碑四十四字字徑二寸五分東
去張必墓數十步又東二里龍崗山下有地平廣
若塋俗稱張林邱村所由名也榮贈王及諡忠襄
不見於本傳待此可以補史之闕而舊志云張榮
墓學士張起巖碑銘蓋其時碑尚可識耳

張泌神道碑

至正十四年三月

大元故中奉大夫山東東西道宣慰使贈江浙等處行
中書省叅知政事護軍追封濟南郡公諡宣懿張公神
道碑銘 文見古蹟考 賜同進士將仕郎翰林國史
院編修官李國鳳撰文 翰林學士承旨榮祿大夫知
制誥兼修國史張起巖篆額 從子景德拜手稽首書
丹 孤子元輔立石 孫男樞督工 石匠趙恭趙聚
趙宏趙朗趙確趙礪鐫

右碑高七尺八寸五分寬三尺五寸五分文三十
三行行九十字字徑七分正書額高二尺七寸寬

一尺五寸五分篆刻大元封濟南郡宣懿公張公
神道碑銘十五字字徑四寸翁仲損壞惟此碑獨
完在濟南府城東三十五里和山前張林邱村北
南向國鳳之貫不見於史從至正十年鄉試碑知
其為濟南人左榜第一國子監近掘土得至正十
一年會試題名碑國鳳亦左榜第一乃檢其事為
之傳而此文亦佳人之顯晦信有時耶

張養浩歷城張氏先塋碑

不知年

維我張氏之在濟南其宗屬有二一居陽邱一居歷城
居陽邱者則伯祖父歷城則祖父也伯祖父諱萬年九

十三卒其世其行具見翰林承旨姚先生燧所撰陽邱張氏先塋碑祖父諱口年九十一卒子二長諱興早失兵間後三十年至自泰安其舉動言笑甚與祖父相肖年七十二卒葬泰安梁氏村父諱郁字威卿年七十口以中統口年十二月二十八日卒諱諱孤養浩汝祖父早從事戎性直喜施有所得輒周急人家務一不屑吾年十六以身任之貸貸於人僅公私給逮天兵克宋人心未洽出萬死不一生之計賈江淮間以險濟之致有今日吾任其苦遺汝輩以甘吾任其勞遺汝輩以逸恐汝輩驕汰以隕吾業撰此戒之夫驕者貴之賊汰者富

之靈富而不汰則富常保有位而不驕則貴可恒昔柳
玘言成立之難如登天覆墜之易如燎毛以是知作者
固難保守尤難每誦斯言未嘗不盡焉心痛今既富且
貴汝能常守吾命則吾死可瞑目矣孤養浩以口志之
志訖而逝養浩又嘗記先君言嘗毆驢走京師困極始
乘阪焉則下水焉則涉為棄骨刺其趾血出欲乘則恐
半途而乏欲步則其創痛不可忍孤養浩聞之不覺頻
首淚下先君亦為哽噎嗚呼痛哉大抵先君以艱難勤
苦起家恐後人口口口故覲縷鐫誨若此所為燕翼
保艾者可謂至矣先君三子長與次塞俱早世季為養

沿奉命仕者三十餘年幸無所忝歷歷清要有司考儀
贈祖父某安遠大將軍益都路淄萊蕪戶驛都尉追封
濟南郡侯祖母苗氏楊氏并追封濟南郡夫人先君追
封通議大夫吏部尚書上驛都尉濟南郡侯先妣許氏
追封濟南郡夫人今尚氏封濟南郡太夫人先兄二子
長居簡雅才幹次安山東轉運使益昌庫副使三十八
卒養浩二子長諱疆二十二卒集賢侍講學士元君明
善為墓埋銘今碣於隧次引嗚呼保家之道先君言之
悉矣孤某不敢復列謹掇其緒餘拜手泣血而為之銘
曰維作室完且鉅必累年欲其弛不一旦瓦礫然尊所

遺恣奢棄名逆天嗟吾後亘斯世毋逆先兮

右碑在章邱縣東南相公莊東張萬墓旁明正德
中養浩裔孫某摹刻立石讀篇首數語知歷城故
有是碑且可知文忠之居於縣蓋自其祖而舊志
之列於流寓誤也已丑冬偶過相公莊見是碑以
途次無椎柘之具因與友人強識以歸聞有訛脫
俟異日訂之

張養浩家訓碑

維人之生或孩而殤或冠而歿或壯而疾廢幸而不殤
不死不疾廢則生於陋邦遐邑而不於中原幸而生中

原則又屠沽貧賤而不於富貴好禮之家嗚呼其孩焉而不殤冠焉而不殀壯焉而無疾廢而又生於中原好禮之家者天既全之如此而人之所以求稱其全者顧可苟簡而不力哉夫學不求至於聖賢皆負德造物者也道萬里而不以為遠陟千仞而不以為高洞金石而不以為難口水火而不以為殆者志焉而已矣志苟一立天下無不能為之事而況讀書乎志苟不立目擊所有而不能致而口口聖賢乎嗚呼士而無志可與有為耶自開闢以來口口為年幾千而汝始生焉自祖宗以來不知傳世幾百而汝始承焉嗚呼以開闢以來始有

之身祖宗以來承傳之口而於汝託焉則汝所以兢兢業業始學提身克肩厥任者當何如哉汝其齋心凝慮以思古之學者皆有所志志者心所向也志高而或下者有矣志下而能高者未之有也故古人謂取法於上猶得乎中取法於中不免為下也信矣右張文忠公家訓公之子御史引屏立書而口口石不特以訓其家凡士夫家舉可訓矣後學諭立書 彭文舉刻

右碑高四尺五寸五分寬二尺九寸五分文十八行行二十二字字徑一寸二分正書額字徑二寸許八分書在張文忠公祠內西側東向

張養浩擬雅詩刻

擬雅

右碑額字徑一寸七分隸書

觀雲野人因之而有所悟也觀彼雲兮水之濬兮方歎
之奔倏而人兮伊世之塵實與均兮榮悴相生福禍隣
兮孰其尸之問無因兮 觀彼雲兮水之澣兮方人之
伏倏而虎兮伊世之塵實與伍兮變則形今滅像古今
孰其尸之問無所兮 唯昔至人於此昭徹肆哉其明
肆泯其潔肆凝其正肆秘其說無外而外似缺非缺綿
綿其存宅宅其蟄願言以師庶用靡竭 濯足於溪遂

山中之樂也濯足於溪風薄其衣載撓其波雲影四披
維山維林我屏我闌以游以觀山水胥輝有問所樂彼
惡克知濯足於溪風襲其袂載撓其波雲影紛避維
山維林我昆我弟以娛以嬉山水胥媚有問所樂彼惡
克冀天於清福其畀孔艱偕曰畀之亦罔克安爾塵
爾埃爾茹爾苦我溪我山我得我所或杖或几或樽或
俎或舟或輿或吹或鼓溪為我歌山為我舞冥然心會
此適誰與瞻彼白雲使我懷古晨興因觀高作謹次
韵發仁本學士一笑寒碧紗痕淺深青地勢平崑姿呈
雅澹樹影碎空明窗納一天曉人懷千古榮移牀高處

坐遙看日東生 卷浩上

右字三層每層十五六行行八九字字徑寸許草書

擬雅古詩二篇晨興五言今律一篇先文忠公所遺翰墨也引恐其久或靡沒命工摹勒如上嗚呼先公遂閑之情取友之誼於此庶見其一端矣至正十四年甲午春三月良日朝請大夫陝西諸道行御史臺監察御史嗣男引百拜謹識

右張引跋語字十行行十字字徑六分正書與擬雅並勒家訓碑陰

張養浩自壽詞碑

自壽感皇恩 林壑八年閑吟殘山色無處烟霞不相
識正懼清福舉世誰人曾得天教分付與雲莊客 萬
室侯封九華仙伯未必情懷似吾適扁舟風月好景初
無今昔遐齡原不在餐松栢 雲莊老人書

右字十行行八九字字徑一寸草書

蘇天爵七聘堂記

至正十四年三月

文見古蹟考 趙郡蘇天爵記 江右諭立書 朝請

大夫陝西諸道行御史臺監察御史嗣男引立石

右字二十二行行二十九字字徑九分正書題額

字徑二寸許八分書與自壽詞並刻一碑高四尺
七寸寬二尺四寸七分在張文忠公祠內西側東
向

虞集題張養浩詩碑

無年月

早從中州游希孟實豪傑穹隆如喬岳培塿謝魴鮓侃
侃買燈疏英主動顏色賢子翳黃壤感口解朝珎朝游
長白春暮踏鵲亭月慨然將終身屢召不踐轍兵餘關
中饑特起揀焚烈掩袂傷道窮委頓成隕絕賦詩哭遺
直好事為鐫碣爾來二十年江海髯如雪每興故人思
遠道嘆睽越忽逢諭先生清江倚舟楫久為濟南客山

川類能說其言中丞舊流水助鳴咽更出中丞書歲久
字不滅交誼貴久要於馬見高節問其將何之簪笏在
周列觀人以其主諭薦共持挈敢為祿仕勸聊以誦明
哲古人不可期長風起天末 蜀郡虞集

右字二十三行行十字字徑六分正書

張養浩詩刻

自築層臺草棘間興來時復一躋攀不知老眼高多少
腳底雲生無數山 薄暮池亭獨倚筇寒山遠火透林
紅却愁今夕雲霄外萬疊屏風一炬空 雲莊老人書
右字六行行十一字字徑三寸草書以上二種並

刻七聘堂記碑陰

張養浩碑

右碑據舊志在雲莊

山東鄉試題名碑

至正二十二年九月

山東鄉試題名碑記

朝列大夫刑部侍郎孫翥撰

徵仕郎河南江北等處行中書省儒學提舉吳顯題額

奉訓大夫中書右司員外郎權左司員外郎趙恒書

丹 皇帝命忠襄獻武王帥師平齊魯之年屬口天下

大比王請復舉舊制令試齊魯士於濟南廷口口同上

可其奏是秋其子中書平章河南山東知皇太子同知

詹事擴公元臣繼承間寄首述是事比試期先

缺五字

經

明行修及鄉之俊彥來試有司以刑部侍郎孫翥同儒學提舉口君伯璋兵部員外郎龍君子鱗較其文戶部侍郎倪君孟晰口其事試缺日棘園席舍咸如舊式諸執事供役惟謹多士無譁內外肅然考其文章合式充正榜者凡十一人文理通貫充副榜者又五人鹿鳴既歆賓禮大作諸名口咸曰昔文修文德而崇壘降舜舞干羽而有苗格今天下兵興時方右武而閭外將臣體聖天子賢宰相不忘文教之意雖齊壘未下干戈擾攘能雍容禮樂特講賓興之禮可謂聖朝一代之盛典矣

且諸生奔走風塵間涉流離兵燹之餘所謂險阻艱難
備嘗之矣人之情偽盡知之矣明年入對大廷正當以
天下治亂生民休戚陳於王前他日口於為政又當以
堯舜吾君堯舜吾民之術見於斯世使我國家代有賢
能彬彬輩出不口口昔人專美於前則吾輩之望於諸
君子者其有既乎於是蘭陽孫翦為之記至正二十有
二年歲次壬寅秋九月朔旦書於濟南之明遠堂 總
行提調官 總兵官光祿大夫中書平章政事口知河
南山東等處行樞密院事皇太子同知詹事擴廓錢穆
迺

右第一層字二十八行行二十七字字徑七分正書

提調官

從事郎口僉口口行樞密事完哲

承事郎衛輝路總管權中左司員外郎張守禮字志道
奉訓大夫中書右司員外權左司員外郎趙恒字口口
奉訓大夫中書右司口口文質字仲口

口行科舉省掾口口台

考試官

朝散大夫刑部侍郎孫翥

徵侍郎河南江北等處行中書省儒學提舉興順

徵事郎兵部員外□□□

監試官

承德郎戶部侍郎倪晦缺

守禦提調官

□□大夫□□□北等處行中書右丞□察

中奉大夫山東等處行中書省叅知政事□恒□字□

□

收掌試卷官

奉訓大夫淮南江北行中書省左右司郎中陳□□儒

士楊直

受卷官

將仕佐郎河南行樞密院□□□字□□

儒□□鵬□

彌縫官

太保府掾史王□

鄉平縣儒學教諭□□

謄錄官

敦武校尉□□□河中官皇甫□□字希尚

對讀官

河南山東行樞密院都事口選字口口

關子書院山長張口字文口

右第二層字徑五分正書

正榜口口名

口口色目人

口口口口人

口口

口口

口口

口口

楊口 口口人

劉韶 口口人

劉謙 口口人

口口 辰陽人

口繼口 口安人

王口

楊天翼

副榜口名

口口口

段顯禮 濟南人

周密 永平人

孫口賁 鄆平人

周熹 齊河人

馬口 濟南人

右第三層字徑五分正書

供給科舉一應事務官

奉直大夫濟南路總缺五路諸軍奧魯總管管內勸農

事喻口字口口

濟南路總管府經歷

提調科舉官

亞中大夫濟南路同知總管府事程翊字鵬缺

濟南路總管府知事石德瓌字君缺

照磨張從義字口禮

搜檢懷挾官

濟南路總管府口口孫福字缺

監門巡綽官

歷城縣尹隋榮祖字從仁

口口秦九成字鳳缺

主簿權衡字從道

前濟南路錄事司達魯花赤保缺

口口據史時九凱字舜卿

右第四層字徑五分正書此碑並額高六尺寬二尺九寸在府學明倫堂西東向并前碑所載與元史合錄之以備掌故而予所見之科目題名惟國子監二碑定州學一碑並此而五耳

雞鵠睡犬石刻

元李宗寶周炤所畫雞犬曹希谷題其端寓諷刺謂之三絕今壞

舊志

元太師郭公墓碑

右碑在老僧口西南七里其墓已平有翁仲二碑

一碑高六尺厚八寸寬二尺龜趺高一尺六寸長
三尺碑陰無文正面右旁彷彿有元歲次三字餘
不辨而舊志謂之元太師郭公墓碑云

總管府知事郭榮 管府經歷鄭 叅佐 管府推官

王□□ 管府推官董□□ 總管府判官□□ 總

管府治中答失□ 南路總管府事蕭完者不 府副

達魯花□ □□ 總管□□□ 事張澤 重興魯總

管府達□□□ 管內勸農事塔海

右斷碑缺年月共十行字多寡不等行書大者徑
八九分在龍洞聖壽院佛殿基基牆內南向